



الشاعر
خالد عمر فتحي
الغردقة

حدوتة الفانج

افتح يلاً يا صاحبي دماغك
للحدوتة الحلوة بجد
سيبك بقه من مقلب رامز
سيب الهلس وشوف الجد
قصة جبل اتغير اسمه
بعد المر ما حلّاه دم
دم الجندي ودم الطابط
صبغ الفرح رمال الهم
اتسمّى على اسم القائد

فصبح فاتح جبل المر
أصبح ذكرى جميلة بتحكي
عن نصرنا على أهل الشر
عن طيارة سكاي هوك جامدة
لكن جابها الشَّهم الأرض *
سقط الخوف في جناحها وودَّع
قلب جنودنا وسقط السد
أصل الخوف لو يكبر يمنع
رجلك حتى من التحريك
بس إيمان القائد قال له
جنة عظيمة الآن في إديك
قال له اتقدم ويا رجالك
في ملايكة واقفة وداعية لك
خرج الفاتح كالضرغام
قابل سامح ** قال إيه مالك؟
سامح قائد للصواريخ
قال له الرمل بنغرز فيه
قال له الفاتح يلا ورايا

(د) وطننا بالروح نفديه
مشيوا مسافة صغيرة ووصلت
بشرى عظيمة وبتفرحهم
علي أحمد * الأسد المصري
وصل القمة وأصبح بينهم
بيقاتل بجنوده ويمحي
أسطورة عن جيش الغدر
ويثبت للعالم إنه
الأساطير هم جنود مصر
فوق الجبل الآن بكتيبته
بيناضل رغم التدمير
والفاتح يقول لرجاله
بنقرب من حلم كبير
ولمح سامح دبابتين
قال له الفاتح اضرب يلا
صاب دبابه أخواتها افتكروا
الصواريخ ويانا مشالله
محمود*** جندي عظيم راح يجري

ورا دبابه وقام حطمها
والفاتح بيحمس جنده
أبيض كدبة اضطر يقولها
قال اوعوا تفتكروا أن انتوا
بتحاربوا وحديكوا الآن
في قوات في شمالكوا بتهدي
وياكوا لليالينا أدان
القوات إلي بيحكيلهم
عنها كانت والله عدوه
متخذة كالعادة وخايفة
مشهد خبير عاد وبقوة
زي ما قلنا اتسمى الفاتح
يعني المر لازم هيמר
عبرة عظيمة هتفضل لينا
بشرى لقلب الحر تسر